

միայնակ և թէ ըսկերութեամբք եղած են բարեկաշտ անձինք՝ որ Լեկեղեցեաց ճաշոցներ նուիրած են զիններն ինքեանք հատուցանելով, որոց անուանքը հեազհետէ պիտի հրատարակեմք:

Կ Պ Ր Ո Տ .

Վարոց ամսագրոյ Ա. թիւ Զունվար ամսագիրը լոյս տեսաւ, որ արժանի է համակրութեան:

Այլուսամբ որ նորա պարունակութիւնը հեազհետէ կըրաւեն հետաքրքիր ընթերցողները և նոցա թիւ կբազմապատիւ, որով և Արժ. Խմբագիրն ևս կխրախուսուի իւր ջանից մէջ:

Նորա պայմաններն արդէն ծանուցուած են ընթերցողաց:

ՍՈՒՐԷԱՆԳԱԿԻ ԲԻԻԶԱՆԿԵԱՆ.

Յ Ո Յ Ս .

Ինչպէս երկու շաբաթ առաջ ծանուցինք, Արմաշի վանուց Յոյս անուն ամսական Հանդէսը՝ որ ժամանակէ մը հետէ դադարած էր կարևորագոյն պատճառներով, ներկայ տարուոյս սկիզբէն դարձեալ ի լոյս գալ սկսաւ: Արդէն մայրաքաղաքս հասած է Յունվար ամսոյ թերթը. պարտականութիւնն՝ օգտակար լեզուն՝ բուն հայկական ու կոկիկ, և տպագրութիւնը՝ խիստ մաքուր:

Յի երեսէ կրողկանայ. զինն է ամեն տեղոյ համար, մէկ տարին՝ երեք արծաթ մէծիտ, վեց ամսոց համար երկու արծաթ մէծիտ առանց ծախուց ձանապարհի:

Ներկայ թերթին պարունակութիւնն է՝ Ազգային վերջին անցից վրայ. — Լեզուի վրայ. — Զատագոյնութիւն քրիստոնէութեան. — Ընկերութիւն. — Գերովրայի օրհնութիւնը. — Գասեր

առտինն տնտեսութեան. — Բանաստեղծութիւն. — Առակ. — Առտինն առողջարանութիւն:

Անտարակոյս եմք, թէ մեծ ընդունելութիւն և քաջակրութիւն պիտի գտնէ Արմաշի պատուարժան Ուխտին այս օգտակարագոյն երկասիրութիւնը՝ օգտակարն, բարին ու գեղեցիկն ընտելու կարողութիւն ու ճաշակ ունեցող ամեն ազգայնոց կողմանէ:

Փոփ.

ԿԵՆՍԱԿՐՈՒԹԻՒՆ

ՍԻԵՏԻՔ ՊԱՏՐԻԱՐԿԻ ՀԱՅՈՑ Կ ՊՈԼՍՈՑ.

(Շարունակութիւն):

Եւ սուրբ յերուսաղէմայ եկին Թ. սեպտեմբր ամսը միսրանք էին Սուրբ Յակոբայ վանից Հայոց, և ոմանք ուխտաւորք էին, յոյժ աղաղակիւ բողոք բարձեալ առ Թուրքին մեծն գանկատեցան ի Մինաս վարդապետէն, որ էր արքեպիսկոպոս Սուրբ Երուսաղէմայ, և արդուհայն Թուրքին մեծին իւրեանց են տըվեր. գանկատ արգուհայիս էր այս. վանից զմիաբանքն ջըրվէր է, թէ դուք ձեր քաակցն կեւք և զհանդիւրձն ի ձէնջ հագեք, երկու՝ այն էր միւս գանգատն թէ մեր վանքն ճՌ զաշ. պարտոց ներքոյ ձգեց. երրորդ գանկատն այն էր թէ վանից յորչափ որ զգեստ, սկիհք, խաչք, բուրվառք, կանթիղք, քոջք, գաւաղանք և այլ եպիսկոպոսաց զգեստք պատարաղի, թաղեր, ձէվահիր, քարերով մարգաւաշար անկախուր, և սրոց մասունք, Գսէրէթ սնտուկ մեծամեծ լին կուզարած ուղարկեց Ըստամպուր, որ Ըստամպուրու ետրամազ մարդիքն եղին գրաւ զրամի Ինկէզ պաղիրկեանին մօտ ձեռամբ Ինկէզ էլէիտուն, մեր վանքն կողպատեաց և յիշատակ աներն մաղազաները ծախեց. վասն յԼստուծոյ թող լինի, աղատեալ զմեր մանատորն ի ձեռաց Մինաս վարդապետին: Եւ նոյն ժամայն կոչեաց զմեզ Վէզիրն և նախատեց զմեզ թէ այսպէս բան որ կուլնի, էր չես իմացներ, եւ ասին՝ չեմ լրած, և այն սեպտեմբր իմ մօտ չին եկած, Գեա քննեա և տես թէ զով կուզեն, մե-

հիլ մուստաֆաք զո՛վ կու տեսանեն, զայն արդարա որ նորա տանք Մեր Եագուր մանասթիկն, Բենեցաք, ոմանք Ամասիացի Կայծակ Գալուստ վարդապետ խնդրեցին, ոմանք Սարի Մաթեոսն խնդրեցին, Առաւօտեան ժամուն եւ միամիտ կայի յեկեղեցին, Չուխատար եկաւ տարաւ զմեզ Սարայն, ասաց ահա Սուլթան Մուստաֆան քիզ շնորհեց յԵրուսաղէմայ Հայոց Մեր Եաքուպ մանաստիկն, վար տօվա էյլէ, Հապա ի հալաթ հոգոյց ինձ, փառօք մեծաւ ուղարկեց եկեղեցին, եւ վասն Մինայ վարդապետին Վէղիկն կամեր թէ բերթ մի յարգիլէր, յոտն անկեալ աղաչեցի թէ այլ չի խառնվիր, ինք իւր հալովն թող նըստի ի վանք, երբ որ խառնըվի՝ այն ժամանակն եւ կու ծանուցանեմ՝ դու գիտես, յայնժամ լուսաւ աղաչանաց մերոց, վէքիլ ուղարկեցաք ի յԵրուսաղէմ, և մեր գնացաք Էտրէնու ի Ըստամպուլ, նաւ բռնեցաք վասն ուխտաւորաց զիւր յԵրուսաղէմ, և զուխթաւորքն ուղարկեցաք գնացին ի սուրբ յԵրուսաղէմ, և մինչ քաւրողէք Ըստամպուլ, Փոանցէ սինեօս էլչի պէկն զիւր Սահէթճի Սարգիս անուն թէրճիմանն ուղարկեալ էր մեր մօտ թէ իմ խաթիրն համար թող իրիճա անէ զայն Էտրէնու Եփրեմ պատրիարքին մօտանա՞ծ Գ. քահանայքն ազատել, զինչ դրամ որ դնա՞ եւ կուտամ, մարդ ուղարկեցի Էտրէնէ, նոցա ազատութեան Ֆէրման բերի, Ըստամպուլու Ղայմախամէն այլ հրաման առի և ողորմութեամբն յԱստուծոյ ազատեցի զայն Գ. քահանայքն ի Թէրախանու զընտանէն և բերի մօտս, և կոչեցի զՍարգիս թէրճիմանն Փոանցոյ սինեօս էլչի պէկին, հիսապ արանք որ Էճ դոշ էր գնացեր, բեր զգրամն որ տանք ի տէրն ազատիք, այսօր վաղն ասեցով չեբեր, եւ այլ ամաչեցի որ գնայի իւրմէ ուղէի, նորա խաթիրն պարտք արի տըվի և զքահանայքն առի հիսս գնացի ի Էտրէնէ, գրամին կուսպատէի, եկին նոցա համախոհքն, ուժով քաշեցին զքահանայքն փախուցին, և վասն գրամին սուտ ելաւ Թէրճիմանն, չեմ գիտեր թէ էլչի պէկն չետուր մի, թէ չէ թէրճիման Սարգիսն սատանութիւն արար, և այն ամուճա Վէղիկն վասն խոցոյն և տկարութեանն հանեցին վէզիրութենէն, և եկն Տալա-

պան Վէղիկն Պաղտատու, գալըմ մարդ էր յոյժ, գնացին Հայոց միջէ չարք ոմանք արզուհալ արարին վասն իմ թէ ահա Ա. ետիք փաթիկն Քրոանկի թապի եղող Գ. քահանայ տուտօղքն՝ որ մահապարտք էին, կաշաւ առաւ փախուց, Իբրեւ լուաւ Տալապան Վէղիկն՝ յայնժամ այլաբուռեալ բարկութեամբ լցեալ տարաւ զիս յատհան հարցաւ ռէր են Ըստամպուլու բերած Գ տութեաղ քահանայք, ասի եկան իւր աղբակներն բռնութեամբ քաշեցին, չեմ գիտեր թէ ինչ արարին, զայն ուժով քարշողաց միջէն էր որ կրկին արզուհալ էին արարիւր վասն իմ, անդ է բռնեցին Գ մարդ և նոցա տեղն ուղարկեցին ի Թէրախանան Ըստամպուլու, և զիս նախատանօք ի զընտան եղին թէ կու սպանանեմ, թէ գտանեա զնոսա՝ կազատիս, և թէ չի գտանեա՝ կու մեռանիս, կայի յոյժ լալաղին, մինչև Իէ օր մնացի ի բանդ, եկան ի մէջ գիշերի Բ տաճիկ՝ տութեաղաց զըլուխն կտրեցին՝ տարեալ Սարայի դուռն ձգեցին, և ինձ պատվեր տվին թէ վաղ գիշեր քո զուխդ կտրելոց են, պատրաստութիւնդ տես, այլ յոյս ապաւենս ինքն տէր մեր Յիսուս Քրիստոս է և բարեխօս սուրբ կոյսն Մարիամ աստուածածինն է, աղաչանաց յաղաղին գոյով զիր արզուհալ մի գրել տվի տաճիկերէն Շէխիսլամի էֆէնտուն՝ որ էր ծանօթ յԱրզուրումայ, զոր Խելիլ փաշէն ազատութեանս պատճառ եղև, ուղարկեցի, և նա ասաց Տալապանին թէ նորա պատրիարքութեան մանսո պն և Երուսաղէմայ յառաջնորդութիւնն Սուլթան Մուստաֆան է տվիր, նորա չորտմն է, թէ լսէ՛ խաթիրն կու մնայ, նոյն ժամայն գթութեամբն յԱստուծոյ մարդ ուղարկեց ալապեաց զմեզ ի բանտէն, ելաւ գնացի ի Կոստանդնուպոլիս, զի մեծ խռովութիւն էր ելեր, Ովանէս վարդապետն նստեալ էր ի տեղ պատրիարքի Հայոց, վասն հաւատոյ երկճղի էին եղեալ, ոմանք Պօղոսեան և ոմանք Ապօղոսեան, Թուրքն չի գիտեր զբանն հաւատոց, միշտ խռովութիւն լինելն կամի

Դեռ չէի գնացեալ Ըստամպուլ, հետ Ովանէս վարդապետին Իզմիրոցոյ գնացեր են ի Ղայմախամին դիւանն, «Չեր մէջ զիւր հաւատոյն դարձող և Փոանկին հաւատն մտնող մարդիքն ո՛վք են՝

ասացէք. մինչև ի Դ. Ե. հապար հոգի կու ժողովին, մի ըստ միովէ զայն դարձողաց զանուանս կու գրեն տէֆտէր կու առնեն ճիւն հոգի, և Եուսուֆ փաշան՝ որ Ըստամպօլու զայմախամ էր, զտէֆտէրն կուղարկէ Տալտապան. վէզիրին, և վէզիրն այլ կամեցաւ զայն ճիւն հոգին կատարել և զապրանքն միրիին զարթ անել, և զտղայքն գերել. Եէխիսլամն ասեր էր թէ՛ կոչեա զԱւետիք պատրիարքն և հարց նորա. կոչեաց և զմեզ Տալտապան վէզիրն և հարցաւ մեզ այսպէս. բան կա, դու էր չես ասեր, պատրաստութիւնդ տես որ զարուծի պաշի յուղարկեմ Ըստամպօլ, որ զնոսա ջարդեն և զապրանքն և զաւակքն որդիք և զբոստերք պէկկիկ զարթ անեն. այն ժամայն լըցաւ աչքերս իմ արտասուօք. այլ ոչ կարացի յետ դարձուցանել զխօսքն, զի յարեանարբու մարդ էր՝ վախեցաւ, անացի դու գիտես. ելա անտից գնացի ի Եէխիսլամին մօտ. ոտն անկայ արտասլաթոր աչօք ասացի. « Զքեզ և զՍուլթան Մուստաֆան մեղաց կու խնայեմ, զէրէ մեծ մեղաց տէր կու լինիք. — Այն եհարց թէ որպէս մեղաց. ևս պատասխանեցի թէ — այն տէֆտէրն որ եկեր և Ըստամպօլու, ամենեքեան ոչ են այնպէս. թէ անմեղ մարդքն զուր տեղն մեռանին մեղք չէ մի. — Նա ասաց և մեք և մեծն մեր ոչ կամիմք զուր տեղն մեռանի մարդ. հարցաւ ինձ թէ ի՞նչ է քո խնդիրքն. — Իմ խնդիրքս այն է որ մեօհլէթ տաք ինձ, մի ուղարկէք դարուծի կատարել զնոսա, երկայնամիտ լինուք, ինձ հրաման տրվէք ցնալ Ըստամպօլ և քննել զնոսա, և թէ մեր հաւատոցն երեալ ուրիշ հաւատ փոխեալ են, և կամ ձեզ խային են եղեալ, զայնպիսիս տէֆտէր առնեմ բերեմ հրամանուցդ. նոյն ժամայն դուք գիտէք. Տաճկերէն թարգմանած արապի գրով Աւետարան կայր, զայն տարի Եէխիսլամին, ահա այս է մեր հաւատացած գիրքն, սորանէ զատ ուրիշ հաւատ չենք գիտեր. — Առաց, դուք Քրիստոսի ի՞նչ կասէք, մարգարէ՞ կու խոստովանիք թէ Աստուած. — Ես ասի, զի՞նչ կու հարցանես վասն Քրիստոսի. զձեր Մահմէտն Օմերն յորժամ տիրեցին յաշխարհով, որ տաճկացաւ՝ ապրեցան, ով որ գէմ՝ եղեր՝ ջարդեց, և մեր մեծաւորքն իւրեանք իւրեանց կաման ետուն բերդերուն բանա-

լիքն հնազանդեալ, խնդրեցին թէ զմեզ խարած կապէ և մեր հաւատն բռնենք որ զՔրիստոս աստուած և որդի յաստուծոյ կու խոստովանինք. և նորա հաւանեցան, թէ Մահմէտն և թէ Օմերն տրվին ի ձեռս մեր շաղաւարթլամա, երթմամբ ուխտ և դաշինք եղին՝ թէ որովհետեւ դուք ձեզնէ հնազանդեցաք և խարած կուտաք մեզ, այսուհետեւ ձեր մայն իմ մայիս պարտապար, ձեր էրզն իմ էրպիս պարտապար, ձեր զաւակքն իմ զաւակացս պարտապար, ձեր արիւնն իմ յարեանս պարտապար, որպէս որ կու պաշտէիք զՔրիստոս աստուած և զՄարիամ սուրբ կոյսն Աստուածածին, դուք գիտէք ձեր հաւատն. Ըզձեր մեծաւորաց հրամանն այս է. մեք ամենեքեան յորչափ որ յայտաւտարանին թմալի որ կայ՝ ամենեքեանքս զՔրիստոս Աստուած և որդի յաստուծոյ կու խոստովանիմք. Հարցաւ թէ ո՞ր է այն շաղաւարթլամայն. — Մէկն ձեր մօտն՝ մէկն մեր մօտն է. մայրըն Երուսաղէմ է, սուրաթն հետ ինձ է. — Բեր տեսանեմ ասաց, ցնացի բերի տվի իւրեան Երաբեմար լիզվաւ, ոսկով է գրեալ. տարաւ ցոյց տրվաւ Սուլթան Մուստաֆէին. և միւս օրն ցնացի կրկին ոտն անկա աղանցի զի արգիլեց զդարուծի ուղարկելն Ըստամպօլ, և անձն առի թէ երթամքնեմ, երբ որ մեր հաւատոցն վրայ հաստատ են և զհարկապահանջութիւնն և զխարածն կուտան. միայն զպաքերնին կուտեն, իւրեանք գիտեն, զօռով պաք չի լինիր. Հրաման էառ ինձ դնալ ի Ըստամպօլ. և ասի թէ այն տեղաց վէքիլ նստող Ովաննէս վարդապետն վասն ազահութեան դրամ կաշառք առնելու պատճառաւ շատն զուր կասէ ի վերայ նոցա. Տալտապան վէզիրն ասաց ինձ թէ միթէ դու Պոսանկաց կողմէն ես որ նոցա տիրութիւն կառնես. ես քաջ գիտեմ որ ճշմարիտ է զի Պաղտատ փաշա էի, Փափէն Բ. փափաղ էր եկիր, այն տեղաց ըուայեաներն զամեն դարձուցեր էին. եկեղեցի էին շիներ՝ քակեցի զեկեղեցին. փէշման եմ որ ոչ սպանեցի զնոսա. զԵէխիսլամ էֆէնտին խարեցիր, զիս այլ կուղես որ խարես. էֆէնտուն խաթէրն համար ցնայ այս անգամ Ըստամպօլ, տեսնեմ ի՞նչ խարեր կու բերես. թէ ծուռ խապար որ բերես, յառաջ զքեզ ըսպանանեմ. Գնացի ի Կոստանդնուպօլիս, Ովաննէսն փախեալ

դնաց ի Աճէմիստան. և ժողովեցի միահամուռ եկեղեցեաց քահանայք և առ հասարակ ժողովուրդք մինչև ԳՌ մարդ աւելի կամ պակաս, և միահամուռ զոչէին ազադակէին թէ մէք սոցա ձեռացն չունինք հանգստութիւն՝ այս ճիւն մարդոցն, մեկանայն կուգնան, պահոց օրերն միս կուտեն, կու զեխեն, որդոց տէր ենք, կռտեսանեն կութեհաշուատին. կամ սոցա հախէն եկո և կամ մէք այլ մեր գիւղին ճար գտանենք, ուրիշ պատրիարք խնդրենք. և ես սկսեցայ նոցա միութարական բանիւ խրատական բանիւք քարոզել և միութարել և նախատել զայն ճիւն հոգին՝ վասն շահելոյ դնոսա, մինչև խաղաղեցաւ ժողովուրդն. և ի մէջ նոցա են ԺԲ մարդ չարք և ազաճք և կողոպտողք եկեղեցեաց, որ միշտ զրգռութիւն չարեաց և եկեղեցեաց զգրամն զաթթեր են՝ իւրեանց զհարկապահանջութիւնն կուտան, և միշտ պատրիարքաց բանին և երուսաղէմոյ բանին կու խառնրվին, և զՄինաս վարդապետն նոքա ձգեցին պարտուց մէջ. ես միշտ խաղաղութեան կուջանայի, նոքա միշտ յորդայթ պատրաստէին ինձ. գնացին նոցանէ Գ մարդ, մին Շահամիր օղլի Առաքէլ և միւսն Սրապիտն և միւսն Հալուզ Արրահամ՝ ի Էտրէնէ Տալտապան վէզիրին արդուհալ տվին վասն իմ թէ՛ թող զայ, Երուսաղէմոյ ուղարկած ուխտաւորաց առած զրամին հիսապն տայ. իւրեանք զողք և աւազակք են որ զՄինաս վարդապետն այնչափ պարտուց մէջ կոխեցին և սպողք եկեղեցւոյն Լօթոան Անկէզին զրաւ տվին, և պիտի ուղէաք, փախան Ըստամպուլու իւրեանց չարութեանն ապականելով մատնեցին զմեզ Տարտապանին և նա մէկ մուսուշիր աղա մի ուղարկեց, եկաւ Ըստամպուլ, զմեզ տարաւ Էտրէնէ. գնացաք Էտրէնէ ի Վէզիրին զիւանն, և մէք հանեցաք զՍուլթան Մուստաֆէի տված հրամանն վասն Երուսաղէմոյ՝ ցոյց տուաք. ահա մէք սոփաւ զաթթ ենք արիր կուժողովներ զգրամն, վանաց զպակասութիւնն կու տեսանեմք, և սոքա ի՞նչ հրամանաւ ինձանէ հիսապ կուգն. ահա Կոստանդնուպոլիս գնացաք, քննեցաք, սուտ էր. այն Ուսանէս վարդապետն փախաւ. ահա չարեաց զլուխքն սոքա են, դու գիտես, Ըստամպուլու ճիւն հոգին ազատեցան կոտորմանէ չար

բռնաւորին ձեռացն, և որդիքն և զստերքն ազատեցան գերի լինելոյն, և եղև խաղաղութիւն ի մէջ ժողովրդեան. զի զայն Շահամիր օղլի Սոսքիւն և Չալուխ Արրահամն նոյն ժամայն կալաւ վէզիրն եղ ի Ըստամպուլու Թէրսխանէ, զընտանհ հէփս արարին. և Թուրքին վէզիրն խրոխտայր ի վերայ իմ միշտ թէ ահա յայտնի է որ դու և սոցա թապի ես՝ որ նոցա տիրութիւն կառնես, պատճառ եղիր որ չի ջարդեցի դնոսա, նախ զքո զլուխդ կտրեմ, ապա թէ նոցա հախէն գամ, ԳՌԵՃ զըշտ առաւ, ապա թող ետ որ գնացի Ըստամպուլ, Մատուծոյ արդար գատաստանաւն թուրքին մեծն նորա գլուխն կտրեց, որպէս զՓարաւն կտրեաւ, և փրկեցան ժողովուրդք, և եղ վէզիր զՉրոսմին, և ես գնացի Ըստամպուլ իմ բանիս հետ:

Չօրքն Թուրքին ապստամբեցան, զԽէշիմ օղլին կտրատեցին, զՆայմախամն փախուցին և իւրեանք իւրեանց վէզիր եղին, և կոխեցին բազումք մեծատանց տունք, կողոպտեցին, և զթութաղք զընտանաց ազատեցին կաշառօք, և զիմ օթնւանքն՝ Իւսկիտարու սարայն՝ զոր իմ մարտիս եմ՝ տուցեր, կոխեցին, կողոպտեցին և զիս տարեալ ի Ետրէնէ հանին զՍուլթան Մուստաֆայն ի թախթէն և նստուցին զՍուլթան Ահմէտն, և զՇէխիւլամն սպանին. և եկին ի Ըստամպուլ, և զիս ուղարկեցին Բ չաւուշով ի Ալիսա տտափն, անդ մնացի Ա տարի, աղաչանաց արգուհալ առաքեցի Թուրքին մեծաւորին, ողորմեցաւ մեր աղաչանացըն, ազատեաց զմեզ, և ես երկրպագեալ աւտուծոյ ամենակարողին զոհացայ զտեսունէ ազատողին համայնից, գնացի ի Հալապ, այն տեղաց Հայոց ժողովուրդն զամենայն մարմնոյ պակասութեանն լցին, պատվօք ճանապարհեցին որ կամք ունէի գնալ ի վանքն իմ Երզնկան՝ որ շինեցի. Բ աւուր ճանապարհ մնաց որ հասանէի ի վանքն, եկն Ըստամպուլու հրաման թէ գաս Ըստամպուլ, Իբրև գնացի Ըստամպուլ, Գուլուստ վարդապետն նստէր Պատրիարք ի տեղս. Ա տարին փախաւ էր ի յԱմասիա և նեւսէս վարդապետն էր ի տեղս, և յորժամ ետես զիս թուրքին մեծաւորն, տըվի զարգու հալն, և ծանուցի թէ քո հայրն Եր-

զըն՝ ու վաճառքն ետուր և քոյ եղբայրն Ըստամպու-
լու և Երուսաղէմայ զպատրիարքութիւնն ետուր,
և զու տղատեցիւր զմեզ Եւստատ աստատուն, ա-
հա խնդրեմ որ դու այլ կրկին տաս զԸստամպու-
լու պատրիարքութիւնն և սուրբ Երուսաղէմայ
Մինաս վարդապետին տեղն, ահա նա վաղձանե-
ալ է, չի լինի թէ ուրիշ մարդ ա՛յցնի ի տեղն,
զի իմ վարդապետին և զիս արհիական իշխանու-
թեամբն նպիտակապոս օրհնողին յաժժոռն է, մեր
յօրինօքն ճանապարհ իմն է։ Եւ Հարցաքննեաց
որ ճշմարիտ էր, և եկեալ ժողովեցան բազում
ժողովուրդք թէ տեղացի և թէ վաճառականք,
վկայեցին զմեր լաւութիւնն և խնդրեցին թէ զնա
կու գնէք, և նոյն ժամայն նա ևս շնորհեաց հրա-
ման նստիլ ի Վոստանդնուպօլիս և տիրել ըզ-
սուրբ Երուսաղէմայ Հայոց վանիցն սուրբ Յա-
կոբայ, և կապա հագոց, նըստանք Ըստամպու-
լոյ թոռ պատրիարքութեան Հայոց եկեղեցին
Սուրբ Ըստուածածնայ, և ըստ չափոյ և կարո-
ղութեանն ողորմութեամբ յաստուծոյ վարէաք
զիշխանութիւն պատրիարքութեան, կարեաց մե-
րոց քարոզէաք խրատական ըանխք, եւ Մինաս
վարդապետին վէճիլ Երեմիայն՝ Ս. Յակոբ առա-
քելոյն Կլիսայրին յօրինակաւ և անուամբ վաղ-
ձանեալ Մինաս վարդապետին և Ինկիլզ էջուն
ձեռօքն Ինկիլզ պաղիրկեանէն (առնուած) զրա-
մին թէմեսիկ էր տվեր, ժԲ մարգով միաբանեալ
արղուհալ արին վասն իմ թուրքին մեծին թէ՛
որովհետեւ Մինաս վարդապետին տեղն նստաւ,
նորա պարտքն թող վճարէ, ահա մեր ժԲ հօդի
քէֆիլ ենք Ինկիլզի զրամին որ տալոց ենք ԻԲՌ
ղոշ. մեզ հրաման տուր որ Աւետիք վարդապե-
տէն առնուիք զայս զրամն, Եկն հրամանաւ մու-
պաշիր, տարաւ զմեզ մեծ դիւանն, պահանջեցին
ի մէնջ զԻնկիլզին ԻԲՌ զոշն. բազում խռից
յիտոյ հարցաւ ինձ վէճիլն թէ ձեր սահմանն
այն է որ մին պատրիարքն մեռանի և նորա տեղ
նստողն հատուցանէ զպարտս մեռելոյն։ Եւ ա-
ռացի ոչ այդպէս, և չէ մեր սահմանն. եթէ ինձ
զրամ տվեր են, կամ երաշխաւօր եղեալ եմ նո-
ցաւ, ես ոչ ճանաչեմ զնոսաւ։ Ասաց նոցա վէճի-
րն թէ զայս Աւետիք փաթրիկն կու ճանաչէք.
նորա ասացին չէ. և որպէս այդ մարդիքն որ քէ-

ֆիլ են Մինաս վարդապետին պարտուց և զրա-
մին ձերոյ հատուցանելոյ, այս Աւետիք վարդա-
պետն ալ նոյնպէս քէֆիլ եղեւ թէ ես հատու-
ցանեմ։ Ասին չէ. — Գորա զրամ տվեր էք. — Զէ.
— Ապա որպէս տացէ ձեզ զրամ։

Այն քէֆիլքն՝ Երեմիայն, Սրապիոնն, Քէօ-
միւրճի Սէքսանն, Ճինեան Ռվաննէսն պատաս-
խանեցին թէ Մէռ Եագուր մանաստուրին վրայ
ենք խարճեր. յայժմս սա է տէր մանաստուրին,
սա տացէ զպարտս մանաստուրին։ Ես պատաս-
խանեցի նոցա՝ եթէ մանաստուրին եկեղեցին չի-
նեալ են, տունք և օտաներ շինեալ են, կամ ըզ-
գեստ. առօթ, զարդարանք եկեղեցւոյ, յիշատակք
արծաթեղէն, ոսկեղէն, մարգարտեղէն ակամբ պա-
տուականաւ տարեալ են մանաստուրին, արտ, այ-
դի, պահճա, խանութ և այլ յայտնի բան թէ
ունին արած, թող տեղն ցոյց տան թէ սա շինե-
ցաք, թող լինի՝ տամ. եթէ վանից վրայ խար-
ճած չունին, զի՞արդ տացից սոցա զրամ։ Ասա-
ցին տեղն կանեիք և ահա ունինք թէմեսիկ սուրբ
Յակոբայ Կլիսայրին մօհրովն որ վանից պարտք է.
Ես ստի այս մօհրն ոչ է աստուածաշէն որ մարդ
չկարինայ շինել. այլ մարգաշէն է, թէ կամենայ
որ՝ Ռ այսպէս մօհր կու շինէ կու կոխէ թխթի
վերայ, զի՛նչ որ կամի զայն կու գրէ. Յետս նա-
յիլով գնացին. կրկին վէճիլին դիւանէն Ղադէս-
կերի դիւան, զատուարաց դիւան տարին զմեզ.
ողորմութեամբն Ըստուծոյ զերծաք ի նոցանէ.
մինչ մեկ տարի զայս տավան քնցին հետս իմ և
ոչ կարային առնուլ. քէն պահին ինձ թէ այս
զրամնին չի կորիր, թէ ի ծով թէ ի ցամաք կա-
մա յակամայ զայս զրամս ի ձեկն և ձեր մանաս-
տիրէն կառնուիք. Ես ասի, Աստուած մեծ է և
իւր ողորմութիւն շատ է. նոցա քէֆիլին մեկն
որ Երեմիա կասէին՝ մեռաւ, մնացին նորա, Եւ
յաւուր միում գնացի ի Պէկօղլին Ղալաթիոյ ի
սարայն. էլչի պէկին մօտ ողջունել զնա, Փռան-
ցայու թագաւորաց թագաւորին և զպատկերն
սուրբ նկարեալ են ի օտան էլչի պէկին, տեսի և
համբուրեցի փափաքմամբ սրտիւ և ցանկայի թէ
էրբ լինիցի որ զգալի աչք ճշմարիտ զիւր օրհ-
նեալ տեսոյն արժանանամ և համբուրեցից ըզ-
պատուանդան յոտից նորա, և ընդունէի սուրբ

յօրհնութիւնէ նորա, և աչօք իմօք քրիստոնեա թագաւոր տեսնել, ապա մեռնէի. զօհոյ թիւն Բրիտանի որ հասայ մինչև այս տեղս, բայց տիւ և ցիւեր միշտ փափաքիմ, միթէ մարդասէրն Աստուած սէր և քաղցրութիւն արկանէ զիրտ սուրբ թագաւորին ո՞ր զմացեալ եղկելոյս և արժանացուցէ զիս իւր օրհնեալ տեսոյն և համբուրել զսուրբ և յերկնաւոր զգարչապօրս ոտիցքն, և առնուլ զօրհնութիւնն, միթէ Տէրն մեր Յիսուս Բրիտանոս զինքն իւր տեսոյն արժանացուցէ և յերկնից անանց արքայութիւնն պարկեցէ. որ է անզրաւ յաւիտեանս յաւիտեանից ամէն. Աստուած հասցուցէ ի փափաքանաց իմաց, ապա մեռայց, ամէն:

Ես յետոյ յորժամ նստա ի Աստանդնուպօլսի մանսուպ պատրիարքութեան, եղի վէթիլ ըզ՝Մարտիրոս վարդապետն, և դոսի քահանայ զՊալիքէսէրցի Հայրապետն. մինչ Ը ամիս տիրեցին, մէկ տակ ցոյց ոչ ետուն ինձ, և զպարտատեարքն իմ վրայ կուղարկէին՝ զիմ վաստակած զրամն այլ կառնէին, զի հաւատացեալ էի նոցա, և առանց իմ հրամանի ուրիշ մարդկանց զրամ կառնէին վասն անուան իմոյ. երկուքն ալ մի կամք մի խորհուրդ լինելով իւրեանք զրամն զիգեցին և ինձ պարտք կուտեցին. ծանեա զնոցա խարթախութիւնն, կոչեցի հիւսան տեսա վէթիլ Մարտիրոս վարդապետին, ամիսն Գժ զաշէն մինչև Ը ամիսն ԲՈՒԴՃ զոչ ելաւ վերայն խաբեց թէ զնամ բերիմ, փախաւ ապօտամբեաց, գնաց հետ թշնամեաց և Ինկիլզ պղտորեալին և նոցա էջուն հետ միաբանեցան նա և Հայրապետն, տէր կացին նոցա զրամին՝ թէ զու մեզ օրնէ որ զպատրիարքութիւնն մեզ տացէ, զքո զրամն կըծպնք ի սուրբ Յակոբ վանիցն վրայ. նոքա ուրախութեամբ յանձն առին կատարել նոցա կամքն և եկեղեցեաց երեցիոխանքն զզրամ եկեղեցոյ զիւրեանց հարկն տային, և քաղէին ոչ (°), ցոյց տային զրամ եկեղեցոյ և զպակասութիւնն ոչ տեսանէին. ժողովեցան ժողովուրդն կարծեօք մինչ Ռ հոգի, այլ աւելի, Թուրքին մեծին բողոք բարձեալ աղաղակեցին թէ մեր եկեղեցիքն սոցա ձեռն գերի է, վասն ՂԱստուծոյ սիրուն ազատեա. արզուհալ գրեալ էր զանուանս նոցա. Վէզիրն այլ կոչեաց

զնոսա. ոմանք փախեան և ոմանս բռնեցին Ե հօգի քչեցին Սախրզ մինչ Ը ա իս. Սախրզու մեղ մեղայի գիր էին ուղարկեր թէ այլ չը խառնվինք, զմեզ աղատութեան ճար արա. զնոսա մեղային հաւատացի, գնացի Վէզիրէն ինդրեցի զազատութիւն նոցա. նոյն ժամայն շնորհաց զազատութիւնն. նոքա ևս գնացին միաբանեցան հետ նոցա. զայն Մարտիրոս վարդապետն Երզնկան մէկ աղքատ քրիստոնէի որդի էր, ժամանակ մի մեր մօտ կարգաց, գնաց ամուսնացաւ, զկարգ քահանայութեանն մեք տվաք, սարկաւագութիւն և աւագ սարկաւագութիւն. յետ ժամանակաց զկին մեռաւ. եկն Ըստամպօլ Սուլթան Մուստաֆէ ժամանակի վեղար անցուցաք զզուին կրօնաւորութեան, ուղարկեցաք Իզմիր նուիրակ. եկն կրկին Ըստամպօլու պատրիարքութեան վէթիլ եղի պղպէս խայինութիւն արար, և ես Ֆռանցու էջի պէկին մարդ ուղարկեցի թէ մէկ շէթի պէտք է որ զմայրս յԵրուսաղէմ ուղարկեմ, իւր ծանօթ լիցի զաբխան նորա. Աստուած իւրեան կենդանութիւն տա, մարդ էր ուղարկեր ծովագիրն և բռնեալ զշէթէն և զմայրս իմ և փոքրաւորք գնացին խաղաղութեամբ:

Եւ տէֆուէրտար էֆէնտին զգալոյ տարվան զմիրի զրամն ինդրեաց թէ ահա քո տեղոյդ և մանսուպիդ ցանկացող կա, տուես տուր որ մուղարէր առնուրք. գնացի պարտքք առի ՌԲԺ զոչ տվի, գնացի միամիտ տեղս նստայ. Յետ քանի մի աւուրց լըվա որ Մարտիրոս վարդապետն և Հայրապետն և երեցիոխանքն որ մանզուլ էին, և այն Ինկիլզին պղտորեալն և նոցա Էրզուն թէրծիմանն, և նոցա զրամ առնող պարտականքն՝ որ առեալ են զզրամն իւրեանց տուն և խանութ և սէրմիլէն արարեր, զպարտքն ձգեալ են ի վանից վրայ, նոքա և նոցա ազգականք և բարեկամք, և այն մարդիքն որ զերկու կանայք ունէին և զեւտի կին թողուլ տրվի, նոքա միմեանց գրոհ տրվեալք գնացին արզուհալ տրվին թուրքին մեծին իմ վերայ թէ՛ երմէնի միլլէթն իսլալ կանէ, իբր թէ ֆռէնդ կանէ, չնք ուզեր զնայ. ահա այս Մարտիրոս վարդապետն բուն Էրմէնի է, մեզ լաւ է, զսա կու ինդրենք, նա այլ ըրխար էր արեր թէ թող լինի, ձեր ուղածին տանք. յառաջմ Ինկիլ-

զին էլչին պարզեք էր ուղարկել հետ իւր թեր-
ծիմանն. այնպէս էր ասել վէզիր քեհնապի Օս-
ման աղան թէ թող արգուհալ տան մեծ թուր-
քին, Իւրե լովա՝ գնացի Տէֆտերտարէն զյրամն
յետ ուղեցի որովհետեւ մանուկն այլոց կուտաս,
բարի ես այլ կերթամ յերուսաղէմ: Դեռ տա-
րեզուսի Դ ամիս կայ, ապա թէ գալ տարին մտա-
նէ՝ Դ ամսվանէն անցա՝ նոր տված դրամն տուր
որ տէրն տամ, զի պարտք եմ՝ առեր: Նա պա-
տասխանեց թէ գնամ վէզիրին հարցանեմ. թէ
ասէ տուր՝ թող լինի տամ: Միւսում օրն յան-
կարծակի Բ Տիւան Չաուչի եկան, ի ձեռն ունէր
հրաման թէ Աւետիք մանկուլ փաթիլիկ Պոհճա
ատանեալ զայեպէս, ֆերմանըմ օլմատուգճա
իթլա օրմարն: Բ փոքրաւորովս Ը օր գնացաք ի
Պոհճա ատանին լայաղին թէ՛ այս ի՞նչ փորձանք
էր եկն ի վերայ իմ վասն մեղաց խնոց. զիմ ֆը-
ռանկութիւնս այն էր որ պատարագի հետ բաժա-
կին ջուր կու խառնէի, Մարտիրոսն փոքրաւոր էր,
գիտէր զի Հայոց ազգն յորժամ յիշատակն գնեն,
վարագուր կու քաշեն, մարդ չի տեսաներ, վրդով-
մունք չի լինի աէյի ծածուկ կուխառնէի, միայն
հնազանդիլ կուսուցանէի. Բ, այն էր իմ ֆռան-
կութիւնս՝ որ Հայոց ազգն ասէ՝ սուրբ հոգի Աս-
տուած բոխումն ի հօրէ և ի յորդոյրստ Եպիքա-
նու. այլ չեմ գիտեր զօրէնս և զտմարս ֆռան-
կաց ցանկայի գնալ ի Հոռոմ, հնազանդիլ սրբա-
զան փափին և ընդունիլ զօրհնութիւնս նորին և
ուսանիլ զամենայն զկարգ և զկրօնս Լատինաց,
զի ոչ եղէ ձեռնհաս. միտքս զիտարորութիւնս այն
էր թէ գնամ յերուսաղէմ՝ քաղաքաց եպիսկո-
պոս զիր մարդ ուղարկեմ և հրաւիրեմ գալ ի
սուրբ Երուսաղէմ, և նոքօք գնալ պատրաստու-
թեամբ ի սուրբ փրագահ մայր սուրբ եկեղեցեաց
յաթռուն սուրբ առաքելոց զխաւորաց սուրբ Պետ-
րոսի և սուրբ Պօղոսի, զոր և Տէրն մեր Յիսուս
Քրիստոս հաստատուն պահեցէ մինչ ի կատա-
րած աշխարհի ամէն *):

(Մեղեքն է յեդուքայ)

(*) Աւետիք Պատրիարքին գրէն երած այս աղերսուն,
ինչպէս նա եւ ուրիշ շատ կետերուն կասկածելի ըլլալն եւ
հիշելիքս ներշնչութեամբ գրուած ըլլալու հաւանականու-
թիւնն արդէն ծանուցած ենք լրագրոյս 1489 թուով:

Ս Ո Վ .

Պօլսոյ ալգ. լրագրաց մէջ ցաւ ի սիրտ
կրնթեռնումք՝ զի Վաղատիւյ կողմեր սով
կրտիրէ և մեր ազգայինք յանհնարինս
տագնապած և տառապած՝ իւրեանց եղ-
բարց օգնութեանց անհամբեր և ակնա-
պիշ կըսպասեն:

Ո՛չ սակաւ կմխիթարուիմք՝ երբ կրն-
թեռնումք՝ զի ի Պօլսոյ

Էնկիւրիի սովատանջ խղճալեաց օգնութեան
համար զթասիրտ ազգայնոց կողմէ առատաձեռն
նուիրատուութիւնք սկսան:

Ասեմխոհ հարիրար մը, որ իր անունը ծա-
ծուկ պահելու սովորութիւնն ունի միշտ, հինգ-
շաբթի օրը Փափազեան Մեծ. Գէորգ Էֆէնտիի
ձեռամբ 100 լիրայ զրկեց Շամիան Յօհաննէս Է-
ֆէնտիին, որ անմիջապէս հեռագրով Էնկիւրի հա-
սուց (*):

Յակորեան Մեծ Միրայէլ և Կիւմրիչկերտան-
եան Մեծ. Տիգրան Էֆէնտիներն, որք մարդասի-
րական գործերու մէջ միշտ առաջին ըլլալու ազ-
նիւ բնաւորութիւնն ունին, հինգշաբթի օրէն ի
վեր իրենց բոլոր գործերը թողուցած՝ անձամբ
Հայ մշտնապանաց և սեղանաւորաց սենեակնե-
րը կրպտրտին. նուէր կը հաւաքեն, և արդէն 300
լիրայի մետ ստակ հաւաքած են, որոյ 200 լիրան
Էնկիւրի զվուեցաւ. հեռագրով:

Պատրիարքարանի կողմէն կազմուած յանձնա-
ժողովն ալ, որոյ Մեծ. անդամոց անուններն յե-
տագայ նամակին մէջ կը տեսնուին, նոյնպէս հան-
գանակութիւն հաւաքելու ձեռնարկած են:

Եսկէց զատ Փափազեան Մեծ. Գէորգ Էֆէնտի
ալ անձամբ հանգանակութիւն հաւաքելու ելած է:

Այս ազնիւ փութաջանութեանց և անձուի-
րութեանց շնորհիւ կը յուսացուի որ քանի մ' ա-
ւուր մէջ առ նուազն 5 - 600 լիրայի գումար մը
կը հասնի Էնկիւրի, և տեղւոյն խղճալի ազգայինք
սովամահ մեռնելու վտանգէն կազատին: